


徵君孫先生年譜卷上

B
128
582A2
1675
v.1



襄遠坐祥行

徵君孫先生年譜序

徵君年譜鍾元孫先生所自
譜門人魏蓮陸合同學爲之
編次者也譜行實譜言動實
以譜學宗譜道脈也司馬溫
公云吾平生無過人者但無

不可告人言者耳不可告人
則不可譜矣不可自信卽不
可對天下後世矣子曰吾無
隱吾無行不與故自志學以
至從心歷歷道出自信之自
譜之至今可告天下萬世然

則年譜之歲月不虛卽道學
之淵源有自豈同處士虛聲
徒標門戶哉予讀之竟于先
生之爲人雖不及親炙猶幸
如見之羹牆且因以見先生
所同堂之鹿江村又見先生

所私淑之王姚江而更可見
濂洛關閩之嫡派並已釋然
于紫陽象山之異同可不必
辯也何也德性問學本相需
相因而不相判其實同源其
貫分之爲二子之見合之則

一人之事下學可以上達上
哲不廢下學理學必有事功
事功仍本性理後人能合二
子爲一者顯之則爲姚江晦
之則爲今日之夏峰先生也
夫主致知者其人以頓主力

行者其功以漸然非了悟則
不能頓非歷練則不能漸而
要始于識見之正終歸于定
力之堅而已今觀譜中九十
年來步步踏實地踐履脉脉
皆良知體認其十四歲入泮

五歲食餼十七歲鄉薦初
交鹿伯順卽力任聖學一見
曹貞予卽恍然仁體何其頓
也至於耄勤不倦嘗言七十
歲工夫較六十而密八十歲
較七十而密九十歲較八十

而密于羅念菴聞發陽明從
龍塲動忍處得力而深服之
此中又何嘗非積漸耶故凡
譜中六年廬墓大本立矣而
爲友恭爲任恤皆其緒也力
救黨賢培國家之元氣數表

心節植斯世之大防未始無
事業十辭辟召蚤謝公車又
非于寵利以邀終南捷徑者
其峻却璫姬之餽遺曲避僞
檄之催選從容就道首認野
史所謂不濡不移不屈者非

與抑皆從不惑不憂不懼中
來也此則德性之豫定問學
之實際予故信其有陽明本
領而無其任用也晚年立教
夏峰因人訓造諄諄誘迪履
滿函丈實皆布帛菽粟可坐

言則可起行不事標榜故于
書院講學之請亦堅辭之至
易簣時仍念江村終始不忘
豈非理學原本性命大事于
鹿見王于王見陸于陸會朱
千古薪傳綿綿炳炳哉宗傳

一刻集諸儒之大成爲晦菴
之間知行實中所謂隨時隨
處體認天理而功在慎獨誠
知言矣誠善述矣予在里从
知中原文獻在夏峰天下楷
模亦在夏峰出都時環溪先



生又諄囑以近賢人之居必
造其廬及至而先生已不可
見矣幸于去賢人之世未遠
耳猶幸遵陸復持玉立環溪
兩先生筆俾予任年譜司鐸
事而得歷詳其行實言動且

或可竊附景行以仰溯學宗
道脈焉是安得已于表章哉
夫合知行兼體用歷頓漸九
十年如一日者先生也序先
生者故得從茲譜而知朱陸
之異同可不辯也是予之大

快也夫是予之大幸也夫

肯

康熙歲次乙卯孟冬之望年
家弟濟南霍炳劍寒氏書
於衛源公署



欽命燕公

之

之

之

之

序

大矣哉夏峰

夫子之道也夫子天挺英竇生得鹿忠節公良友故
於靜修后獨接陸子陽明之秘夫子肆力潛心攻苦
八十年周規折矩不失尺寸故其生平出處常變辭
乏取予有金元諸大儒所不及者夫子行履純全而
明牆廣大世之所知至其見地精深闡抉淵通處世
未之或知也不肖自甲申歲偕曹厚庵本榮聞道於
楚中胡此庵師後師友皆逝壬寅年乃北商事夫子

自謂得所歸依不謂夫子竟遐棄我也梁壞山頽精

神恍惚因校夫子年譜讀其懷友詩有云滄州訟往

愆晚節挾其秘

不肖

以忠孝兩虧之身謂其挾秘也

何敢若謂訟愆夫子其深知余心矣從古千聖諸賢

止向源本處取齊則

不肖

今日淨洗方田仰質鬼神

盡掃世諦直印根宗與我夫子永結世外之緣常負

在天之笈敢於同學諸兄弟讓一籌也哉

不肖

汗背


傷心之下勉記其涯畧且以虔告之海內之同志者


如此

崑

康熙拾肆年歲在乙卯七月立秋日門人戴明說頓

首拜撰





序

容城孫徵君旣歿之三十有九年其曾孫
用楨以舊所編年譜屬余刪定旣卒事而
爲之序曰自古豪傑才人以至義俠忠烈
之士不得其死者衆矣而傳經守道之儒
無是也極其患至於擯斥流放胥靡而止
耳其或會天道人事之窮而至於授命則
必時義宜然而與俠烈者異焉世皆謂儒

序

者察於安危謹於去就故藏身也固近矣
而未盡也蓋人之於天也以道受命三才
萬物之理全而賦之乃昏焉不知其所以
生而自殺於物者天下皆是也記曰人者
天地之心惟聖賢足以當之降此則謹守
而不失惟儒者殆庶幾耳彼自有生以至
於死屋漏之中終食之頃慄慄然惟恐失
其所受之理而無以爲人其操心之危用

力之艱較之奮死於卒然者有十百矣此
天地所寄以爲心而藉之紀綱乎人道者
也豈忍自戕賊哉孔子于道常歉然若不
足而死生之際則援天以自信蓋示學者
以行身之方而使知其極也先生生明季
知天下將亡而不可強以仕此固其所以
爲明且哲也然楊左諸賢之難若火燎原
而出身以當其鋒其後屢聚鄉兵以保州

部旣老屏跡耕桑猶以宵人幾中機辟迹
其生平貼于危死者數矣在先生自計固
將坦然授命而不疑而卒之身名泰然蓋
若有陰相者今譜厥始終其行事或近于
俠烈而治身與心則粹乎一準于先儒學
者考其立身之本末而因以究觀天人之
際可以知命而不惑矣

後學方苞撰

傳

桐城方苞著

孫奇逢字啟泰號鍾元北直容城人也少倜儻好奇節而內行篤修負經世之畧常欲赫然著功烈而不可強以仕年十七舉萬曆二十八年順天鄉試先是高攀龍傾憲成講學東林海內士大夫立名義者多附焉及天啟初逆閹魏忠賢得政叨穢者爭出其門而日東林諸君子爲黨由是楊漣左光斗魏大中周順昌次第死廠獄禍及親黨而奇逢獨與定興鹿正新城張果中傾身爲之諸公卒賴以歸骨世所傳范

陽三烈士也方是時孫承宗以樞輔經略薊遼奇逢之友歸安茅元儀及鹿正之子善繼皆在幕府奇逢密上書樞輔樞輔以軍事疏請入見忠賢大懼繞御床而泣以嚴旨遏樞輔于途而世以此益高奇逢之義墓垣及巡撫交薦屢徵不起樞輔欲疏請以職方起贊軍事使元儀先之奇逢亦不應也其後畿內盜賊數駭容城危困乃携家人易州五公山門生親故從而相保者數百家奇逢爲教條部署守禦而絃歌不輟

國朝定鼎以國子祭酒徵有司敦趣卒固辭移居新安
旣而渡河止蘇門百泉水部郎馬光裕奉以夏埜田
廬遂率子弟躬耕四方來學願畱者亦授田使耕所
居遂成聚奇逢始與鹿善繼講學以象山陽明爲宗
及晚年乃更和通朱子之說其治身務自刻砥執親
之喪率兄弟廬墓側凡六年人無賢愚苟問學必開
以性之所近使自力于庸行其與人無町畦雖武夫
悍卒工商隸圉野夫牧豎必以誠意接之用此名在
天下而人無忌嫉者方楊左在難衆皆爲奇逢危而

忠賢左右皆近畿人夙重奇逢質行無不陰爲之地者鼎革後諸公必欲強起奇逢却即平涼胡廷佐曰人各有志彼自樂處隱就閒何故必令與吾儕一體乎居夏峯二十有五年卒年九十有二河南北學者歲時奉祀百泉書院而容城與劉因楊繼盛同祠保定與孫文正承宗鹿忠節善繼並祀學宮天下無知與不知皆稱曰夏峯先生

贊曰先兄百川聞之夏峯之學者徵君嘗語人曰吾始自分與楊左諸賢同命及涉亂離可以犯死者數

矣而終不恙是以學貴知命而不惑也徵君論學之
書甚具其質行學者譜焉茲故不論而獨著其犖犖
大者方高陽孫少師以軍事相屬先生力辭不就衆
皆惜之而少師再用再黜訖無成功易所謂介于石
不終日者其殆庶幾乎

附靈臯先生與用正書云昔歸震川嘗自恨足跡
不出里閭所見聞無奇節偉行可紀承命爲徵君
作傳此吾文所託以增重也敢不竭其愚心所
往者群賢論述皆未得體要蓋其大致不越三端
或詳講學宗旨及師友淵源或條舉平生義俠之
迹或盛稱門牆廣大海內嚮仰者多此三者皆徵
君之末迹也三者詳而徵君之志事隱矣古之
于文律者所載之事必與其人之規模相稱太史

公傳陸賈其分奴婢裝資瑣瑣者皆載焉若蕭曹
世家而條舉其治績則文字雖增十倍不可得而
備矣故嘗見義于所侯世家曰留侯所從容立上
言天下事甚衆非天下所以存亡故不著此明示
後世綴文之士以虛實詳畧之權度也宋元諸史
若市肆簿籍使覽者不能終篇坐此義不講耳微
君義俠舍楊左之事皆鄉曲自好者所能勉也其
門牆廣大乃度時端已不敢如孔孟之拒孺志也
之非得已也至論學則爲書甚具故並弗採焉至
傳上而虛言其大畧昔歐陽公作尹師魯墓誌至
以文自辭而退之之誌李元賓至今有疑其太畧
者夫元賓年不及三十其德未成業未著而銘辭
有口才高乎當世而行出乎古人則外此尚安有
可言者乎僕此傳出必有病其太畧者不知往者
群賢所述惟務徵實故事愈詳而義愈隱今詳者
畧實者虛而徵君所蘊蓄轉似可得之意言之外
他日載之家乘達于史官慎毋以彼而易此惟是
下的然昭晰無惑于羣言是徵君之所賴也子僕

之文無
加損焉

傳

四

徵君孫先、生遺像贊



先生自贊

問爾爲誰曰歲寒氏歲旣云寒爾何爲耳曰勿讀
書妄意青紫長知立身頗愛廉耻雖困公車屢蒙
薦起骨脆胆薄不慕榮仕衣厭文繡食甘糠粃隱
不在山亦不在水隱於舉人七十年矣遶膝多男
及門有士老而學易欲探厥旨聊以卒歲如斯而
已

己酉八十六翁書于兼山堂

當代儒者誰稱先覺允惟哲人光輝孔俾敦行
孝弟修明禮樂由忠貫恕旣博歸約日新又新

鳶魚飛躍默契先天聲臭寂寞蘊涵元氣發越
磅礴譬彼星漢終古昭灼易傳者像難盡者學
仰止夏峰泰山喬嶽

門人湯斌薰沐拜題

先生之貌溫以莊先生之行圓而方先生之養
大且剛先生之德闡而章理學遠宗東魯淵源
近接奉常渾建安壽王之同具與濂溪明道而
頡頏單瓢疏水不能測其所樂不厭不倦日讀
周易以徜徉

門人魏一鰲薰沐拜題

大哉吾師體易之道處困而亨爻象自考益背
暢肢神和氣浩九十年來瞻然逸老動靜光明
與時偕遊天啓乙丙林宗太丘幼安子春維甲
申秋迄今九十衛武其儔我拜斯圖敬贊斯語
卽易卽身隨處皆是父者效此象者象此不在
圖外不在圖裏展卷義皇同人瞻企

門人趙御衆薰沐拜題

其色睟然其背盎然機忘識化氣靜神全人皆

知先生七十餘年樂天知命確乎不拔如鳳凰
翔於千仞又安知先生學全體用道綜後先殊
未嘗以不事王侯自高其節其肥遯家食也固
不過順時而止隨遇而安也耶

門人崔蔚林薰沐拜題

夫子之學本天命爲流行迺易迺簡夫子之教
察人倫于日用爲柄爲肥生諸儒之後而集其
大成俾同異偏全總歸一致如太極乾元之統
乎六十四卦微書屢貴爲逃彌嘉龍德而隱陽
氣在下閑邪存誠德博而化豈惟壽考以作人
復繩武象賢之相亞融融乎五世一堂玩易於
嘯臺邵窩之間而學稼

門人耿

至真大拜題

天下大老夭民先覺晬然盎然千秋道貌舉身
是易神明天巧與時偕行云胡不樂

門人劉繹祖薰沐拜題

鳶魚飛躍默契先天聲臭寂寞蘊涵元氣發越
磅礴譬彼星漢終古昭灼易傳者像難盡者學
仰止夏峰泰山喬嶽

門人湯斌薰沐拜題

我向視道邈乎難親今見夫子近在一身乾行
不息元氣渾淪靜重嶽立溫藹陽春時雨所至
鼓舞若神豈有奇特日川藝倫文理密察篤摯
深醇卓彼兩程合爲一人唐虞持敬洙泗言仁
夫子詔我千古如新

門人耿介薰沐拜題

先生之貌溫以莊先生之行圓而方先生之養
大且剛先生之德闊而章理學遠宗東魯淵源
近接奉常渾建安青田之同異與濂溪明道而
頤頑簞瓢疏水不能測其所樂不厭不倦日讀
周易以徜徉

門人魏一鰲薰沐拜題

大哉吾師體易之道處困而亨爻象自考益背
惕肢神和氣浩九十年來皤然逸老動靜光明

像贊

與時偕遊天啓乙丙林宗太邱勿妄子春維甲
申秋迄今九十爾武其儔我拜斯圖敬贊斯語
卽易卽身隨處皆是爰者效此象者象此不在
圖外不在圖裏展卷羲皇同人瞻企

門人趙御衆薰沐拜題

夫子之學本天命爲流行迺易迺簡夫子之教
察人倫于日用爲柄爲弢生諸儒之後而集其
大成俾同異偏全總歸一致如太極乾元之統
乎六十四卦徵書屢賁爲遞彌嘉龍德而隱陽
氣在下閑邪存誠德博而化豈惟壽考以作人
復純武象賢之相亞融融乎五世一堂玩易於
牖臺仰窩之間而學稼

門人耿極薰沐拜題

其色晬然其背盎然機忘識化氣靜神全人皆
知先生七十餘年樂天知命確乎不拔如鳳凰
翔于千仞又安知先生學全體用道綜後先殊
未嘗以不事王侯自高其節其肥遯家食也固
不過順時而止隨遇而安也耶

門人崔蒨林薰沐拜題
天下大老天民先覺
時然益然千秋道貌
舉身是易神明天巧
與時偕行云胡不樂
門人劉繹祖薰沐拜題

卷之八		目錄	
一	二	三	四
五	六	七	八
九	十	十一	十二
十三	十四	十五	十六
十七	十八	十九	二十
二十一	二十二	二十三	二十四
二十五	二十六	二十七	二十八
二十九	三十	三十一	三十二
三十三	三十四	三十五	三十六
三十七	三十八	三十九	四十
四十一	四十二	四十三	四十四
四十五	四十六	四十七	四十八
四十九	五十	五十一	五十二
五十三	五十四	五十五	五十六
五十七	五十八	五十九	六十
六十一	六十二	六十三	六十四
六十五	六十六	六十七	六十八
六十九	七十	七十一	七十二
七十三	七十四	七十五	七十六
七十七	七十八	七十九	八十
八十一	八十二	八十三	八十四
八十五	八十六	八十七	八十八
八十九	九十	九十一	九十二
九十三	九十四	九十五	九十六
九十七	九十八	九十九	一百

徵君孫先生年譜卷上

灤水趙御衆

睢陽湯斌

門人

上谷魏一鰲

編次

范陽耿極

後學桐城方苞訂正

先生諱奇逢字啓泰號鍾元兩朝徵聘不就天
下稱曰孫徵君晚年講學夏峰學者稱曰夏峰
先生壽九十有二按先生自叙云余家先世小

興州人上世無所考明永樂初奉詔內徙有祖
諱忠者遷容城縣東北賈家庄家焉田廬墳墓
俱在此是爲始祖迨二世諱廣廣生諱信信生
諱端俱以農世其業隱德弗耀端生諱廷寶以
生齒繁衍移居北城村生諱臣字敬所由嘉靖
辛酉舉人仕至河東鹽運司運判居官清慎居
鄉寬忍是爲余大父運判公生六子先大人諱
丕振字肯軒以生員授儒官運判公季子也生
平孝友爲里黨所推定興龐忠節公善繼銘其

墓母陳氏生余兄弟四人長奇儒字國重杭莒
有氣節縣庠生學使者給冠帶儒官次奇遇字
啓運縣庠生六行克備遠邇咸服其德皆余兄
也季弟奇彥字啓美天啟辛酉恩貢仕山東武
城縣知縣廉慎不愧余祖余少席祖父餘蔭長
依兄弟兼師友之提携自愧不克豎立今八十
有七矣回憶生平恍如隔世兒子暨門人輩每
詢舊事輒信手筆之於冊志生我與成我之德
于不忘也

此庚戌冬月先生八十七歲時自叙也於逐年之下僅記所寓之地問及其事與人其文甚畧今標以為綱採輯事實附之為目至庚戌後五年於日譜中補入亦準前例

萬曆十二年甲申十二月十四日戌時生

先生生于北城村南距容城縣治三里蓋河東公卜築之鄉也聞諸父老云先生能言甚遲甫言即手指門楔字能識之

十八年庚寅七歲

入小學

蒙師邑庠生槐肖林正華

二十二年甲午十一歲

始學文

從師邑庠生張公鑑

二十五年丁酉十四歲

入邑庠

提學御史為周公孔教

父命同仲兄季弟從長兄學

一日先生隨父肯軒公謁楊補庭補庭為

忠愍公子先生大母族也見先生奇而愛之因問曰設使我在圍城中外無救兵內無糧草應如之何先生應聲曰効死勿去補庭為肯軒公賀曰此子足卜終身矣

與鹿伯順論交

鹿公諱善繼家定興之江村距先生所居北城三十里相過論交肯

軒公見而喜之謂先生曰鹿子言動不凡殆古之狂士後伯順聞之曰何以得長者之知我乎

二十六年戊戌十五歲

食廩餼於庠

三
二十八 年庚子十七歲

秋八月舉順天鄉試

主考為楊公道賓福建晉江人顧公天峻江南崑山人房

師韋公石麟湖廣黃崗人常批其闌卷云疾徐
豐約一準程朱先生嘗云余時於程朱尚未有
所窺師何所見而預為啓佑耶每晤輒
謂學人第一要擇交少年更為切務

二十九 年辛丑十八歲

春下第

房師常過先生寓館人遺傳奇本於案上
常大督過因言古人以少年登科為大不

幸稍不自立未有不敗者先生因
此益自奮勉後每舉以告吾黨

娶槐氏

邑庠德行生秋
亭諱大成女

三十 年壬寅十九歲

父命從季父成軒公學季父一切家務父皆爲之

經理成軒公醇篤性成其學得之河東公庭訓先生家學淵源蓋本諸此先生非義不取

上官或有以燈火之資餽者父毋分給之先生仍出爲公用

三十一年癸卯二十歲

在北城

三十二年甲辰二十一歲

下第歸肯軒公謂先生曰國朝重制科不舉南宮者謂之半截功名未免降志後當路累薦

舉先生每引此言堅謝不出

督學御史授父儒官有司旌門肯軒公以生員授儒官邑令蔣如萃

年譜

卷上

四

請鄉飲賓其詞曰品高月旦德重鄉評獨力養親克篤烏私之愛一經教子早題雁塢之名羽可爲儀俗因以變殆公實錄云

三十三年乙巳二十二歲

六月八日先府君以偶患心痛卒越三月營葬事

成

先生居肯軒公喪一準古禮偕兄若弟結廬墓側於東南隅築時思亭設衣冠圖書鄉老

劉廷林王勅等歲時率衆獻食果必哭於墓肯軒公厚德入人之深於此可見云○先生濟暑苦塊中病後每夏秋交輒痰飲嘈雜廢飲食成例病者幾四十年至六旬後竟愈

三十四年丙午二十三歲

居父憂

偕兄弟居墓側

二月三日祖母楊安人卒

安人忠愍公再從姪女也佐河東公宦游十餘

年衣飾儉素年八十餘先生曾言祖母以慟吾父而順命余母慟姑而夙病益增哀哀諸孤顙天無路相對飲泣而已

三十五年丁未二十四歲

居父憂

仍居墓側

九月服闋

冬邑紳梁如星爲宦寺所窘辱余與諸紳士言於

郡縣事得白

書畧云異哉梁孝廉薛茂才之事天理王法真是大變夫薛璫一小

監子耳餘皆小監子之奴隸耳遂取鞭箠孝廉幽囚士子于奉詔入試之口尚可謂有世道哉

全言
閹人之熾惡斯文之喪氣也明公風教攸握值此非常異惡察其主謀者何人黨惡者何人巖訊而置之法庶穢汚刑餘之徒猶知有朝紳猶知有天憲則扶文抑暴之功高於千古矣

三十六年戊申二十五歲

春建先祠成合祀歷代考妣同族人歲時致祭其

基址規度皆府君生時裁定

祠在北城先生祀先睦族之事各有

定則貧士皆可儉而行之

十月九日母陳孺人卒

孺人遭痼疾三十二年奉姑以孝稱家政井然處異

母妯娌無間言

三十七年巳酉二十六歲

春奉母合葬府君墓

鹿忠節公為誌銘先生諸兄弟廬墓側張子度果中從廬

中問業

三十八年庚戌二十七歲

居母憂

仍居墓側

邑學博謝慕劬嘗過廬居論學

謝諱夢豹廣東人正身率士所著有

修齋錄

清苑賈鉅廬居紀事畧云歲在乙巳孫肯軒公歿其嗣君國重啓運啓泰啓美同廬於墓三年越戊申公配陳孺人歿四嗣君又廬於墓者三年余按肯軒春秋僅享五十有五其時國重啓運業聲張鬢序敬泰當髫稚歌鹿鳴已五閱歲敬美髮未燥于乙巳遊類公與陳孺人率嗣君

奉楊太安人起居甚融融也夏無病忽歿嗣君兄弟謂未獲申菽水一日養而風水永嗟安忍遺先骸于野而偃然家居乎乃稟命太安人孺人就墓前橫構一室陳公之冠履圖書顏曰楊神堂東南隅又結草屋如斗南北對向四壁茅離塗以泥土西向者二一待唁客一貯家禮子史諸經典北向者二一設苦蓆長枕大被四昆夜寢一具突而黔供饘粥嗣君早暮焚香楮奠椒漿盥濯巾櫛無不脩每舛跽設遇佳辰令節更羅列哭踊歷三年如一日陳孺人久患嘔以痛公轉劇太安人又夕陽景兼痛公不壽四君廬居晨起展拜卽歸趨兩尊人所勉爲愉容多方開慰令諸婦善視膳輒返墓間無何太安人逝孺人痛公又痛姑疾益劇太安人服甫闋而孺人逝矣四君旣合葬局其家之外戶水薪米鹽零雜以時遞送諸妯娌晝食一爨夜棲共樓並無煩四君內顧四君一意讀禮日在棲神堂時對讀讀罷對泣泣罷再讀儼然肯軒公在上

也嚴寒盛暑雨雪雷電子夜風吼四望聞
此而悲號嗚咽真所謂欲聞腸寸斷矣饗殯
粗淡謝絕麪藻鮮脆不餚如是者
六年終始如一嗚呼可不謂難哉
高陽孫文正公題廬詩容城城均大如斗今古
賢豪萃作藪靜修之修忠懋忠懋撐拄乾坤萬不
朽行天日月地江河出奉君王入父母孝廉崛
起兩賢鄉手握天常爲世紐黃金臺上已知名
高堂舞綵歌曼壽一朝風雨下庭幃大椿零落
緩花剖夜臺長夜寂無人忍見野林狐兔走九
原日憶念兒心六載惋苦相與守諸婦同集一
畝宮優龍劣虎聲如喁蓼莪我有句不成讀黃土
一抔淚爲阜紫荆花爛雨盈襟鴻雁影聯月在
牖隴笛咽寒幾斷腸夜烏泣雲空翹首我親亦
未嘗君食帝書日月懸培塿感君兄弟倍酸辛
孝子忠臣天并久君家兄弟遠相傳亭亭玉樹
師且女能與朝廷生異
人應得異人還報厚

定興鹿忠節公詩云橫襟東海揖邱山
中有一廬無愧顏毀後僅餘眉宇在
愁來惟把夢栽刪地當趙北燕南
際人跨椒山夢驥間客子語言忽
可味細詢知自見君還

三十九年辛亥二十八歲

正月服闋

先生家世清白廬居時嘗至餽粥不給而守貧彌堅一老蒼頭於墓傍種萊服

北辰其大異常見者以為

三冬董七年粟之一驗云

按先生志學當自此始憶友人問曰先生自考志學以何時為可持循之曰先生云少年妄意功名自爾親見背此念頓灰與鹿伯順為友初以名節相砥礪未免走入氣質之偏處聞然一念自証生人面目其實從哀慟窮苦中得來

告同人為割耳李節婦助葬

邑年方村節婦李氏夫死曾割耳投棺中

誓不再適貧老無依先生糾同人養之數年迄
歿為具棺助葬并恤其子後其子婦復勵節一
方女教為之大著焉

秋寓京師館兵部郎杜友白家

友白名詩山東人
慕先生為人以其

子受學

十一月長子立雅生

四十年壬子二十九歲

寓京師孝子賈三槐受學

三槐字正卿固安人兩
廬父母墓質過魯先生

卒成就之

晤曹貞予先生舉仁體以告

貞予名于汴山西安
邑人以正學自任語

先生仁體反覆發明先生當下恍然覺此心與天地萬物相通

四十一年癸丑三十歲

下第仍寓京師居停主人牛俊臣

俊臣字仰泉任俠好客重先生

品行願假館一時正人皆與之游

與周景文論交

鹿伯順先生是年舉進士周景文順昌其同年友也因伯順與先生

為友一日向先生索楊忠愍集先生曰忠愍為世廟忠諫第一君定不作第二人伯順有詩紀之曰寰中第二非吾事好向椒山句裏尋後周死逆瑞最烈果第一

同鹿伯順讀王文成傳習錄

先生初守程朱甚篤鹿先生講次每舉姚

江語先生因讀傳習錄知行合一躍然有得自是寢食其中焉

十一月次子奏雅生

四十二年甲寅三十一歲

在京師

周綿貞時過余邸舍

周名起元江西人以侯命御史在都見先生制藝有志之

丈夫不受制于造物句向友人曰讀孫公此二語令人氣躍千丈

六月例病與友人講習以代醫藥

先生自二十二歲廬中感嘈雜

每夏秋之交必發廢飲食因自名為例病友人許紫垣爾顓時讀書崇國寺常邀過其舍以講習代醫藥先生生病漸瘳

四十三年乙卯三十二歲

在京師

為邑紳陳見齋立嗣

陳名可成舉人為令歿而無子先生言于邑令徐君廷松

擇近支一人繼之徐即告奠於其墓且出金經理其家

四十四年丙辰三十三歲

在京師

薛孔泉唐灼州賈孔澗各遣子受學

薛之子鳳祚賈之子爾霖

後先生以長女妻爾霖

四十五年丁巳三十四歲

歸容城

先生居京師者六年皆鹿伯順范一泉兩先生為之左右至薪水之需牛仰泉任之

先生嘗云余生平猶知自勵即服膺的然一
泉先生伯順每言以改過而成賢者獨其老
耳

爲牛陰兩生免大戶

太守洪振濱派牛陰兩生收

陰爲臨胸令助子邑紳舊無此例先生令致
書畧云一時有令甲一隅有風俗容之鄉紳士
子其一切養馬納糧俱無異於平民獨於頃後
一節從來得稍一寬假今臨胸蓬萊二君於
宦途若拙叨列賢書素稱曲謹明公得之外月
且者自悉今其兩子青衿也屢赴秋闈志期進
取乃俱不免於大戶之役卽此時遵憲勉應恐
後來援以爲例北海有言民猶子也士大夫賢
子也愛子尤當愛子之賢者或亦養賢及民之
意古所謂君之仁者善養士此實某等所幾幸
於今日者也

八月三子望雅生

冬長女歸賈氏

先生製布衣一襲謂之曰汝家漸貴盛歸寧當著此服勿忘吾家累

世布素後女撫孤守節壽八十餘臨終仍以此服殮

四十六年戊午三十五歲

七月二十七日室人槐氏卒

槐孺人年僅三十四歲先生誄有云氏知

大體能甘貧吾妻實吾友也文載家乘

冬同楊太僕讀書西張寺

楊名茂定興人時李含樸鹿伯順范懷洙常相

過從

四十七年己未三十六歲

爲蘇湯宇與王坦山太守書畧云雄縣廩生燕
湯宇苦心砥行學古之士也生平孝友雅重鄉
評兩舉行優荷蒙褒賞食廩近三十年毫無分
外一事某等結社於二十年前不獨文義相
長實以行誼共推鹿職方伯順賈憲副孔瀾俱
同聲味姑舉其一事有同案生王進德棄世妻
李氏貧不能養二子俱襁褓湯宇固寒士也慨
然捐廩銀一年倡諸好義者爲治恒產迄今李
氏母子得以完聚蘇生之修持雅多類是今當
陪貢之時考居四等本生屬文於病荒之際義
命自安某等論行於考試之餘甄拔是望三輔
士曉然知文藝之外別有立身根本一方風教
賴此舉矣書
入蘇生得復

萬曆四十八年
泰昌元年
庚申三十七歲

同門友任東海署雄縣諭予過視畱十日歸
任名臣

青縣人正躬率土風
教大行先生極重之

魏廓園出使江右訪余北城定交楊忠愍公祠

魏公名大中偕鹿伯順訪先生詩云平生幽谷
問神州恣飛越云在北城北不勝意勃宰並轡
獲良倚一舍奄趨忽登堂列玉昆藹然對清樾
久儲易州酒佐之以穀核懼情不自持後先微
謳發何必慕古人俛仰亦恍
惚遙村綠四圍中天寫明月

邑庠生楊格忠愍族孫以聖誤被黜余代為白

被黜人皆憐其無辜先生
言之邑令為申請得復

為孝子趙廷桂助婚

天啓元年辛酉三十八歲

至京師赴鹿伯順約

左浮丘督畿輔學歸京師晤於別墅

左公名光斗桐城人調魏

公廊園曰予屯差學差俱於孫孝廉有侯儀予過容城不能邀一見竊疑之廊園以告先生曰不才繫籍賢書院體當廷謁予於左公有故人之誼不往見乃以存故人也浮丘公聞之曰予知過矣乃折柬迎先生於別墅

八月繼娶楊氏

邑明經楊慎齋廉女

二年壬戌三十九歲

春二月過山海關

先是高陽孫閣部承宗自請督師鹿公伯順以叅贊軍務從約

先生過塞上居三月得徧觀諸形勝高陽公欲問之先生急歸後高陽公序孝友堂家乘有云

尹吉甫中興乃歸功於張仲孝友其推重先生如此

三年癸亥四十歲

聞警約同志練鄉勇

楊生以小嫌與余仲兄成訟八月始解後與生遇

如初仲兄嘗言生平學力不見長益處一訟八

月乃是磨鍊實功夫

訟事解楊生曰八月來血氣相激豈不能加一言以

相誣然而不忍者正見余信君之深也

與鹿伯順商正四書說約

鹿先生著說約成易州守徐恒山欲梓之先生

謂其中語有似誣者宜訂正鹿先生深然之

四年甲子四十一歲

左浮丘僉都以忤瑞去國期晤於白溝

爲同邑節婦陳氏舉節

節婦孫國祥妻呈詞有云十有五歲而于歸二十有

三而夫逝變生骨肉既痛夫君爲井底之魂禍起蕭牆幾欲同夫作水中之鬼菑嬰兒在眼稚女始孩趙氏之孤誰憐若敖之祀將餒毀形以矢從一之志斷耳以寢妬嫉之謀蓋殘形而形始踐苦節而節乃彰雖本分各完立節者固無求于世間風興起旁觀者寧不有動于心事聞得旨旌表

五年乙丑四十二歲

在北城

李天篤閭顧行閭國賓張泰階李鳴雷洪月許蔚雲會王弘圻王際明受學

左浮丘魏廓園相繼逮下鎮撫司左之弟光明魏

之子學洵各相從時厰衛嚴緝爲計避匿之所

左魏兩公被逮魏長君學洵先至有緹縈上書
之志周文還順昌亦遣使護學洵時鹿先生以
職方贊孫閣部於山海先生與鹿太公毅然爲
之保護凡脫禍而解厄者不獨破家不恤亦且
身命不顧左魏諸公子弟僕從以兩先生爲歸
矣。左僉都過白溝先有字遺張果中則先生
相會坐間環伺而窺聽者皆緹騎也僉都舉止
自若徐曰某被逮出門八十歲老父母一痛絕
地此情何堪言之泣下先生曰老公祖朝家大
老兩露雷霆總屬聖恩主張須蚤定僉都爲收
泪以謝月下復邀先生會于公署曰適大金吾
公子云常事者定欲死楊大洪大洪死我輩豈
能獨生時奉聖客氏弟光先因素不禮于士君
子每謂其善者曰被逮諸老一時名賢我欲令

吾母而求解於吾姊庶可有濟或舉此言以告
左公左公曰可向婦人女子求活耶殊非丈夫
先生雖之左公又云有一王姓者相從于患難
中煩覓一長聊爲棲止先生究其人乃云卽其
八弟光明也因引與魏學沂同在鹿太公家時
往來於先生之北城○左公過自滿之二日聊
園魏公亦逮至爲詢果中果中正走關門探消
息欲假半日遲先生一晤縱騎苦不肯待左魏
既下錦衣獄掠追甚嚴三日一比五月一奏意
固不在完贖也學沂每絮泣食不下咽必欲入
京伺動定又苦無安頓此身處乃易姓名爲金
子陶先生之仲兄和我公伴之往至良鄉學海
次且於旅舍相我公率魏僕入都住牛後臣家
其僕自獄中朝暮往返一日魏使過錦衣王泣
民王曰令汝小主人自來他在良鄉某處但成
嚴緝役不明言耳左擬贖二萬魏五千立限嚴
比鹿太公與先生率同志者力爲匡處炎蒸策
蹇贖得三百金付魏使持北上隨聞廓園公斃

杖下二日矣學伊已踉蹌扶柩去時為學伊下榻者固安有賈三槐定興有許顥達皆取以為入都便路王永吉楊光夔杜濂崔庚范士耕皆醺金之人也

孫高陽督師關門為左魏事上書

瑞難作左僉都

鹿化麟云二公道義之雅須得一人親詣關門知秦庭之哭不同於泛泛豈口化麟與先生之弟敬美遂東行先生上高陽書畧云左魏諸君子清風大節必不染指以庇罪人此何待言獨以善類之宗功臣之首橫被奇冤自非有胸無心誰不扼腕維桑與梓固浮丘舊履地也遺愛在人不止門牆之士興歌黃鳥昔盧次梗一莽男子耳謝茂秦以眇布衣為行哭于燕市曰諸君子不生為虛生地乃從千載下哀湘而吊賈乎李獻吉在獄何仲默致書楊遂菴求為引手康德涵義急同調至不自愛其名浮丘廟尉之品固當直踞獻吉何次梗敢望恨某等一介書

生無能哭訴尚負慙於茂秦閣下功德前無遂
菴憐才扶世之感諒亦有激于中稍一斡旋且
有出德涵上者况兩君子以道義臭味之雅受
知于閣下最深且久閣下豈無意乎孫公見書
隨具疏爲關門事欲請入覲面奏機宜魏忠賢
聞之遶御床而哭曰孫承宗提兵數萬爲清君
側奴輩必無睢類矣卽馳旨止之諸公之慘禍
亦氣數使然也○魏給事旣死左僉都之追比
正嚴先生與鹿太公計議僉都舊爲屯田使曾
以十三場籽粒爲定興開永賴之利又爲學使
者簡拔高等悉知名士因與鄉民約凡十三場
籽粒地每畝捐錢一文便可得數十萬緡與青
衿約各隨心力捐輸數日之內義奏數百金張
果中王拱極接替馳送甫至而僉都亦斃杖下
矣時共事釀金者賈爾霖蘇湯宇李衷實陳諤
言李童胡向化孔心學等也一時道路訐傳宦
官有指而目之者曰爲左家歛銀若干衆皆危
語勸止之太公曰不知命無以爲君子老夫固

籌之熟矣先生曰拚此一路便無不可
爲之事今日無不盡心免得異日生悔

六年丙寅四十三歲

周景文又逮至其友朱完天相從有北行日譜

周文選又逮時鹿伯順已從關門入里周之友
朱完天名祖文携其手書云不肖以迂愚拙直
雜此巖青雷霆雨露均屬聖恩在臣子只應歡
喜順受臣罪當誅今天王聖明古人之言殆非
欺我也弱子同來因其中途患病反增一累遂
力遣之回所仗止一密友朱完天全賴仁兄爲
之覆庇先生云前番已歷情形一切可省惟訪
王涖民一着不意王出都而周公亦擬賊五千
周之貧不減于魏也完天回江村與鹿太公暨
伯順先生熟籌詳計移貸百餘金又張希臯之
八十羅萬象之五十茅元儀三十王永吉二十
皆義助也鹿先生復遺字范質公亦得二百時

完天勞憊劇甚先生令季弟啓美率鹿僕趙順
送至京師而周公又斃杖下矣啓美歸至蘆溝
橋河水泛漲居人一夜皆席捲去啓美幾不免
并口絕食步行泥水中無幾微退悔事載乙丙
紀事茅公元儀有范陽三烈士咏蓋
爲鹿太公正與先生暨張子果中也

七年丁卯四十四歲

奉聖客氏弟光先介所知送名馬一匹余以家貧
不能具芻茭辭光先再致養馬之需以病軀不
能騎乘辭

崇禎元年戊辰四十五歲

督學御史舉孝行得

旨建坊

御史李公名蕃疏
云爲旌表事孫某

係保定府容城縣人甫弱冠中萬曆庚子科
天鄉試于三十三年六月內丁父艱廬墓
年服闋三十六年十月內丁母艱復廬墓
茹葷不入內六載如一日里閭毫無間言
本生孝根天植倫自性敦弱冠蜚聲庶幾
無添六載廬墓徇補明發有懷堪勵風宜
旌表奉旨建坊旌表仍給二丁侍養終身官紳
鄉族欲圖建坊謂不可委王命于草莽先生力
止之

表元義士魏敬益墓

義士墓在容城縣沙河村元末歲飢鄉人鬻田千餘畝于

義士後歲熟盡還其田事聞旌表里名與讓其
後人家藏有還田卷先生復表彰以廣其傳

二年巳巳四十六歲

二月三日長兄崇我公卒

崇我公忱爽遇事能
剖有燕趙豪士風

十月畿輔聞警隣邑親友百餘家皆就予北城商

避地計也令延予爲城守因皆入容城

先生爲遠邇所

歸故聞警卽舉家來依先生不得已入容城衆皆從之先生所儲終歲之需十餘日而盡

茅止生從孫高陽于關門過余北城

止生名元儀歸安人時爲

高陽叅贊軍務高陽公數向止生有推轂先生之言止生因來請益先生曰朝野屬目關門一片地子文士之雄耳所與朝夕共事者二三大帥也倘有一見才之心便不能容人人寧有爲我用者止生極佩服其言後贊高陽追祖帥一事嘗自言此可不負先生之教矣。是年容城牛光祚新安劉之躍從學

三年庚午四十七歲

鹿伯順里居遣子立雅奏雅望雅臣度雅量雅維

雅抱雅就學江村

鹿先生家居講學與先生朝夕相聚商學問大旨兩先生

之門人皆互相問學先生故遣子侄皆就受業

御史黃鶴嶺疏請徵聘

巡按黃公名宗昌疏畧云為欽奉聖諭事見任太常

寺少卿鹿善繼清心勁骨慷慨有大畧向在關門閣部資其籌畫者三年當逆瑞川事之時炙手可熱而善繼為其鄉人一冷如冰其品可知又客城縣庚子科舉人孫奇逢可與謀大事向地方有事與鹿善繼皆鄉居團聚鄉兵隱然成一重鎮且至孝性成忠義激烈但其人耻于干謁不樂仕進臣在伊鄰邦作令六年未常一見其而倘以徵聘之禮行之定有以得其用奉音鹿善繼等著與核才酌川先生以病辭

六月例病不飲食者六日有晉州某以一九服之

立愈

七月四子博雅生

四年辛未四十八歲

在里門

建邑前賢劉靜修先生墓祠成

靜修先生墓在溝市村舊未有祠先

生與伯順暨閣縣紳士創成之靜修無後嗣止力言於縣令俾免本村差徭以供祭祀修築約

每歲清明同人

掃墓歲以為常

議李希直張希古二公配饗靜修祠

告閣學文云靜修先生前

未有祠自國子監丞李希直仲疏請從祀孔廟
 章數上始得旨許專祠春秋祭祀希直實先生
 之功臣也希直立身立創大有裨於風教既沒
 而門人張希直古紹烈為築室于場告除廩米廬
 於墓者三年乃疏請為其師建祠遺文見在可
 考也都御史李侃文集載其兄希直遺事更詳
 又刑部尚書江浦張壇集中有希直祠堂記但
 荒廢既久基址無存按其生平精力全以脩
 為依歸希古又繼師志為靜修請從祀章數上
 雖未得允亦許紀錄兩先生皆是有功靜修者
 合宜置
 主祀饗

十二月長孫澗生

立雅長子

五年壬申四十九歲

禁止生再過北城

高陽常關欲題先生代鹿伯順
令止生來商先生曰君與伯順

從高陽君之才亦君之志也余既無其才
又無其志願老死公車不敢借途求用

十一月五子韻雅生

六年癸酉五十歲

在北城

申社約

先生王父運判公結文社于寶藏寺至先
生三世矣課子侄輩暨從學諸友肄業其

中為十約以勉之一曰立志一曰知學一曰改
過一曰求友一曰虛己一曰率真一曰定操一
曰尚齒一曰肅儀一曰固盟○是
年劉範修師因張文峯維德從學

七年甲戌五十一歲

春下第

年譜

卷上

九

金伯玉來晤

伯玉名鉉都門人爲兵部郎叅宦官張弘憲家居以斯文自任與先生論

學甲申殉國難先生爲之立傳

韓參夫過余論學

參夫名位宛平布衣與高景逸劉念臺諸公講學至是再過先

生有送韓子南遊序

三月視弟啓美於武城官署刻孝友堂家乘

哀思錄承

思錄先熾錄復學本末諱旌記草堂蘭譜凡六種孫愷陽鹿伯順茅止生諸公各爲序

八月同鹿太公謁孔林

爲邑紳劉允升扶孤

劉允升任太湖令因無子紳士議擇爾植而立之劉死其

從侄其利其產証訟爾植爲殺父先生致書縣令直之

八年乙亥五十二歲

三月弟啓美自武城告歸

啓美公爲令不及二載以不善事上官告歸囊

橐如洗有武城治畧武城錄言二卷怡怡軒詩數卷

九月辭王給事保舉

禮科王名正志河間人保舉先生訓真孝真廉有體有用

奉旨取用先生具呈力辭再奉部文嚴催謂不赴者除革先生曰朝廷以賢名相待而士以不肖自處何罪之有終不往先生具辭呈云某學古近迂爲儒趨腐莫知保舉之自見在起送之中奉有檄文促令赴部此國家創開之盛典亦學人希邁之殊恩敢不聞命束裝刻期就道然士各有志仕自有時用才者必不強人用世者必先度已此其淺深分量正可於將用未用之際明白剖決以取進止蓋國家功令首重制科士子功名應須甲第此以下莫敢望焉雖分

爲孝子李之茂辨誣

符受事無地不可見長而任鉅肩鴻有時易於
見短事不克濟者是謂辱身卑不及格焉未免
降志某鄉薦有年計偕多次包羞點額捲土之
志益堅帶病問方下帷之心難灰張舌猶在桑
硯未穿豈甘廢業于半途妄興收功于末路此
先子彌留相戒之遺訓亦不肖生平白矢之初
心也况學而不優惡可言仕人卽知我孰若自
知漆雕之信未能且辭仕使子羔之質雖美須
用讀書願敏本業而就文場第按成規以圖進
取亦豈敢任魚鳥之性以自放於江湖之間哉

同伯順過孫少師家爲十日留

高陽縣去容城百
里少師數走字期

鹿孫兩先生聚晤方訂歲一會于高陽明年鹿
公遂殉難歿矣○是年清苑王爾祿率弟爾禧
從學

黃鶴嶺過訪北城鶴嶺奉召過保定期友人

金曾遇孫先生門三重未嘗見片瓦何以容從者乎黃公曰某昔以此言入告原得之耳聞今

幸目觀矣

九年丙子五十三歲

在北城

七月守容城得全

先生有守容紀畧直隸巡撫張其平以守禦薦奉旨取選時

加一級用恤刑員外郎胡向化亦以守禦薦奉旨取選時加一級用

七月廿九日定興失守鹿伯順歿之余次女嫁靈

寶令楊茂子生員士弘歿於井奉旨建坊旌

表伯順之太公暨子化麟携家入容城幸得全

巡撫張其平疏畧云原任太常寺少卿鹿善繼
千秋正氣一代偉人服官數十載功績茂著及
養高林泉惟知修身淑世當人心風鶴之日遠
居鄉村儘可避難本官聞變激烈毅然入城止
以忠義二字倡率士民爲効死勿去之計迨城
破正色受刃以聖賢道義之學爲忠臣義士之
舉生有令德死著芳名至如某某及楊士弘之
妻孫氏某氏雖匹夫匹婦之微而義不共戴殺
身成仁均之有關風化應行旌卹奉旨旌善
繼贈大理寺卿廕一子入監讀書仍建專祠賜
諡孫氏等該撫
按建坊旌表

與邑令議復祀典卹歿事者

與邑令劉克極書畧
云邑前輩胡炳南登

元末進士隱居自樂屢徵不就卒賜卹饗節修
載在縣誌不知何時遂失其主幸遇明公主持

名教宜補此缺典置主靜修祠中城頭歿事諸人既有南樓之祭細意以爲守城之人其飢寒亦當念也公餉尙存請動支以完此項然書生之效義與衙役之趨公想亦有差別生員胡堪夫婦同死于井生員張應熊之女死于城破扼擊烈氣剛腸可以光昭汗簡明公宜給扁旌之四境之義士烈女各爲一祠尤爲盛舉并遙烈女祠當此之時愈有關係或卽以今日之節烈而附于祠中是亦前輝後映彰往勸來之大機括也孝婦劉文舉之妻張氏孝子趙廷桂皆貧人貧困欲歿聞此時收貯土寇所掠之衣或各給一二件以療其寒是亦旌有德之意

十年丁丑五十四歲

在北城

六月六子尚雅生

九月梓取節錄成

凡六卷共二十六門先生自叙畧云取節者蓋自名公碩輔以

暨農夫婦女凡有一念一事之幾於理道而得於聞見之真者則急取而錄之也予竊惟古者史氏之書其於名公碩輔非爲國家建大勲勞捍大患也不以書其於農夫婦女一言一動之根於性而中於情則汲汲焉以書非與名公碩輔之畧而獨與農夫婦女之勤也名公碩輔其賢之鉅且衆者也事而爲之書則不勝書矣農夫婦女則其賢之微者也事而不爲之書則不得書矣是編也自癸亥迄今人不問貴賤行不問鉅細一念一事可以興豪傑而範世俗則隨筆書之間亦有其人素在可憎而偶有可錄尤不敢以惡而棄其美也王汝止之言曰滿街都是聖人焉知農夫婦女之所與知與能者非卽名公碩輔之所不知不能者乎

十一年戊寅五十五歲

秋同諸友入五峰山結茅雙峰爲避地講習之計

郭扶陽衛明耿是經樵等從先生入山受學

冬聞警余兄弟携家至雙峰諸友相依而至者數

百家杜君異越有五峰紀畧茅止生有掃盟餘

話序

五峯在易州西南九十里去容城百七十里漢王興之五子避王莽之亂隱居于此

世遂名爲五公山山下有洪元宮元儒劉靜修有方外道人畱客住門前塵世倩山遮之句又東南數里名雙峯村先生結廬于此與同人修武備興文學干戈捨攘之時有禮樂絃誦之風先生兄弟暨一時從入山中者彙其詩文曰掃盟餘話茅止生序云田子春辭騎都尉之命率宗族鄉黨入徐無山中掃地而盟之從者五千餘家乃徐爲定婚姻喪葬之禮民遂以化近

者丙子之役容城受攻七晝夜土垣陵遲牛羊
可上啓秦再辭徵召居郭外曳杖入邑從容指
授萃輿心爲城卒得全天子嘉其功啓秦
以無城而守幸也不可以再力請改築莫之應
戊寅乃率其宗族鄉黨入雙峯及兵入從之者
數縣累數千百人多衣冠禮樂之士乃所以整
齊約束之者一如子春不半歲難平未及爲移
風易俗之事而築險肆戰之暇神閒氣整倡和
爲詩歌夫舉世倉皇奔竄卽傳輦輶而處者日
夕如聞甲馬聲舌不能下而敵秦能與其徒抑
揚子汝以著其斐然此以制婚姻喪葬之禮何
有漢之名卿軍公宛轉兵戈之中强者纂弱者
依草木死子春處之若無事然今之强者以一
歟自賢弱者以能脫一歟爲幸敵秦獨恢乎其
不可測也而從之者又多豪傑之士出能以定
變入能以樂道啓泰之遇較子春不更多乎兩
徵君上下二千年皆在燕南趙北
豈偶然哉吾故題之曰掃盟餘話

冬南大司馬范公改興贊畫軍務辭不赴景文

檄有云才誠具合心跡雙清孝子可作忠臣文
事能兼武將爰貧囊智用佐帷籌先生遠在山
中辭不往復有詩云東楚林泉曲徑翠烟波深
處武陵開機緣不倩天孫補生事惟將活水渡
月掛雙峯吟具癖露凝長夜酒成甌
何來檄草侵朝夢肯令移文笑北山

十一月十日高陽陷孫少師閣門殉難有高陽述

聞少師以元老殉國一門子姦孝婦貞節者二
十餘人忌者尚持異議先生為位哭以詩成
高陽述聞紀
殉難事甚詳

十二年巳卯五十六歲

在雙峰

人曰偕友集竹園詩云十年回首幾風塵
此地別生一樣春海上雲霞誰結伴山中

歲月此逢人夢斷書榻憐余老劍舞麈尾愛
雨五鎮日竹閣無俗事柴門分手月光新

春自雙峰歸遊不樓耿氏掃別墅止余令其子弟

受學

雙峯主百樓百里往來便道耿好誦好詞
與任權迎先生於其家諸友相依而至者

日漸衆門人
從學日益進

擬爲鹿伯順建祠子定與殉難處

爲文告同人畧
云惟我燕右挺

生哲人生爲理學名儒必以忠節報國立誠已
盟于爾室奏績隨見於當官說約一編黜點滴
滴述孔孟認真諸種源源本本祖伊周以靜修
養高尚志之心路椒山殺身成仁之事身非守
土甘矢念與城殉家在城南獨觀意而北向惟
其死生之關一破遂於君臣之義了然節盡荒
園碧港孤臣之血神飛遙漢赤傾九廟之靈皇
仁特許以專祠祀典豈容於久曠卜則創始旣

勞父母公祖之主持指口告成尚與友朋親知
之佐理肯堂肯構行看廟貌之輝煌載經載營
先問同心
之踴躍

十三年庚辰五十七歲

在百樓

人口詩云百樓逢人口行年五十七往事抵掌
間酸流骨孔山川無負郭半終鮮治生術春官
十一上正馬歸來疾自分甘林壑富貴非其質
此行雖勉赴筋力已全失幸有清修人所學稱
入室朝夕共嚶鳴何事不可畢有兒已成行長
幼頗秩秩大者知名行小者亦和吉兄老興尚
酣弟復二音律天以
娛我老竊附民之逸

春視弟啓美於京師

二月次孫淦生

望雅長子

春夏不雨歲大饑人相食饑民嘯聚余與百樓鄉

鄰修備禦

鹿氏諸孫盡心洗心杜越張果中鹿善治賈三槐陳鉉各携家相依餘間

業者數十人皆環雲鶴軒書聲相接先生暇則視諸子習射於東圃當嘯聚肆劫之時隣近村落皆焚掠一空百樓獨得安枕○是年耿保汝極田儕蘭存芝從學

秋茅止生過余同登張弘範看花臺遺址

十四年辛巳五十八歲

在百樓

王生洲訪余百樓留十日而別

王公名孫蕃與先生爲姻友服闋將

每吟詩以遣病廳先生輒挑燈對榻裁句以伴
之故勞鬱成病幾殆武城公歿之五日病始蘇
慟不及視舍殯數年後每見
武城公手蹟詩文淚下如雨

修山寨告期

三月二十七日山中聞警甚急賴同人守禦得全

先是先生入山令夏鼎相視路徑險阻郭翼明
酌度守禦情形部署諸同人量才分守李子靖
率其子祁守阨要自辰至午鏖戰三時先生各
詩紀之詳清涼寺對壘紀耿權盡出其粟供同
人取給尤
先勞勩

事平同人擬各歸里祭告山神

四月還百樓舊居

七月移江村

鹿靜觀邀過北海亭贈以詩憐澹西山來百樓重借止四載歷寒暄主人

情未已君家篤世誼拉我西江里洒掃北海亭
歡洽濟世美園丁繼新蔬日夕佐薪水兵去室
如懸豈堪為君累貧與道相親太常晰妙指衰
年疎領畧願與君悉此復有相悅時清夜月初
起

十月歸北城為弟啓美營葬

杜君異越誌其墓先生訂輯其詩文若干

卷為怡怡軒

遺稿藏于家

邑令胡君廷佐平涼人聞先生歸單騎過訪及
國初先生被徵嚴催就道胡為部郎向輦下諸
大列曰堯舜在上下有巢由我輩浮沈仕路使
孫公得遂其志于長林豐草間是亦聖朝寬大
美事可知
先生知已

十七年甲申六十一歲

春賊李自成犯京師攜家復入雙峯

先生有野哭詩云至尊挺

英資卓哉有爲主繼統十七年日思起隋窳無如臣道微有鼓而無舞一朝天運摧剛性不肯俯惟君歿社稷大義有所取雖未奏雍熙綱維天地柱后緼女先刃神欽鬼翼怒高皇應咲迎謂不辱祖父嗟余草莽臣有泪徒縷縷名列薦壘間論勲曾有譜無力可殺賊生也竟何補

四月僞令馮持李賊檄迫赴京授官不赴

時先生在山中

移避新安水鄉欲漸圖南徙賊勢方張所在嘯聚乘機思掠忽從山中傳一僞檄水鄉亦傳一僞檄至欵列多端首嚴把棍擄掠羣小聞之歛跡迄賊過竟無敢犯者事後知先生仲子奏雅與耿子權所爲也不動聲色而地方得借以安先生嘗爲同人言之○先是茅止生考黃巢始

末曰非考黃巢考李自成也先生服其先見

五月爲

大清順治元年自水鄉歸北城遂病瘡瘍

八月三孫潛生

立雅次子

九月巡按柳公以地方人才薦奉

旨送內院吏部啓請擢用令有司敦促就道以病辭

柳名寅東先生呈云某中明朝庚子科舉人迄今四十五載行年六十一歲然三十年來病胃痼疾每犯輒旬日不食坐致筆視荒蕪耳目昏聩邇復新病瘡瘍纏綿不脫親友交憐其危苦某亦自厭其餘生不意啓薦所屬猥及庸陋愚昧固自感知殘喘實難就道且其狼狽顛頓之

形皆明公所目觀而非耳聞者也伏乞俯臨哀
困據實轉申則新朝德意當事陶成某自矢
枕敢忘
卿結

十月避瘟疫携家三臺寓梁桂林春暉堂會諸友

於靜修書院有渡江賦辨歲暮復歸里

即文莊
濟謂靜

修先生作渡江賦幸宋之亡竟以此阻從祀先
生曰渡江賦哀之也時李完一李胤繩崔承一
李勣蕃諸子嘗
講習于書院

二年乙酉六十二歲

在北城

清苑高薦馨鑄新安魏蓮陞一鰲李晉亨
知新雄縣馬習仲之剛容城孫備九鳳立

從學

三月劉玉麟司馬遵旨舉知奉

旨送內院考試以病再辭

劉名餘佑順天宛平人

薛祭酒行屋以讓賢薦具以病辭

薛名所蘊孟縣人疏稱國學爲

教胄之司傳經育才厥職甚重苟非其人鮮克勝任元用許衡吳澄輩爲祭酒一代文教婉美古昔有由然也今朔業之初卽選滿漢子弟絃誦澤宮作人之化度越往代而以臣剪陋濫竽司成心竊愧之訪得保定府容城縣舉人孫奇逢以庚子賢書隱居教授四十餘年學深稽古志切希賢澹泊寧靜絕意仕進遠邇之士聞風矜式特下弓旌徵聘出山以長成均師道立而善人多共庶幾乎

三年丙戌六十三歲

三月移居新安寓薛錦軒別墅額其齋曰雲宿舍

是年春先生田園俱供采地遂驅車入新安先生身無長物到處自適屢經烽火聞警便行嘗云古人有言富不如貧貴不如賤此言人信不及以余觀之少不爲貧賤所困老不爲貧賤所棄今而後但求不負此貧賤耳

門人高薦馨王五修孫備九請余錄問答語自此

始先生與鹿先生力任斯道嘗云伯順以一人而兼直諒多聞之益自鹿先生歿後日與及門反覆發明皆言奉教于江村吾友者如江村所云五經四書只一句話可以了當千聖萬賢俱是發明此理只一箇隨時隨事體認天理則五經四書皆我註脚還有甚不了當處然此理包天地貫古今歷從來多少帝王賢聖發揮不盡卻一一全備于我之一身故曰讀有字書要

識無字理有不能領會處試默
默向自身上體驗便自了當

問鹿先生談柄多拈象山陽明念菴語三先生
之旨趣自無不同而周程張朱之旨趣豈遂有
異乎先生曰三先生近裏着已純是提醒昏夢
搜掠肺肝直接孟氏之傳須知從古聖賢都從
立身行已處取齊微有異同自不必論如周程
張朱本同也而細論之特以師生兄弟未分門
戶耳如朱陸本不同也而朱子自謂南渡以後
八字着脚真實理會惟我與子靜二人後世學
者實修不講專較語言文字此正不學之過從
今後只理會其同不必究晰其異乃是真切爲
已之學○是年都門金仲遠鏡新安王五修之徵仇異渥憲稷從學

四年丁亥六十四歲

在新安

新安令王孟山家楨下車之日卽謁於雲
宿舍孟山淮安山陽人令新安有清惠聲

後令永年時仍執贄稱弟子

邑有十老社月一會令子弟行洒余仲兄亦與焉

端陽日張于度與相我公至新安先生集諸老為尚齒之會長于先生者仇繼軒八十有一羅好軒八十相我公六十九仇馥聞六十八薛鉞軒六十七楊懷秋六十六少於先生者魏明楨六十一張于度劉元樸王翼明皆甫六十也

五月訂高陽孫文正公年譜成

文正公舊有譜稿未及授梓而遺失

殘缺仲孫之藻求先生補輯訖成二卷

纂輯理學宗傳

先生舊與鹿先生搜錄諸儒語錄甚多書帙浩繁經兵火散佚不全

至是高鑄王之徵陳鉉與先生季子博雅手為抄錄皆先生幾經評閱嘗云諸儒學問皆有深

造自得之處故其生平各能了當的一件大事
雖其間同異紛紜辯論未已我輩只宜平心探
討各取其長不必代他人爭是非求勝負也一
有爭是非求勝負之心卻於前人不相干涉便
是已私便屬浮氣烏能近裏着已真
切了當自己性命此病關係殊不小

五年戊子六十五歲

在新安

春修新安縣志

先生為義例十則謂節婦義夫非
蓋棺不得書孝友義讓不可自為

乞請子孫不得為祖父過為溢美採訪不得以
喜怒而加妍媸立傳勿以不羈而掩大節名宦
須造福於地方鄉賢務有裨於風俗矢公
矢慎勿濫勿遺與高矯纂修逾三月始成

秋雲宿舍為淫雨所壞高侍御暨諸門人為余築

雙柳居在學宮東

先生同諸子誦讀於學宮顏

亦多附矣守先王之道文不在茲乎○是年安肅于杜若鴻漸謝葵市皇錫清苑王譽之延褒

從學

冬爲鄔廣文孝徵歸櫬

新安學博鄔萃楚石首人與先生友善卒於學署其

子孔彰在楚路阻不得聞計先生致書楚學使王天錫資之北來高侍御似斗資其歸時有以路梗難之者孔彰口俟路無拾遺先子無歸櫬之日矣與老僕挽柩而行先生壯之竟抵石首

十二月四孫淳生

望雅次子

六年己丑六十六歲

在新安

選陸放翁詩手題云劍南高曠超逸名之曰放誠自爲寫照其甘貧愛閒慕隱喜幽

更有當于老懷也至其生平大節都在聲韻字句之外讀垂老示兒詩是豈可以詩人目之

春夏之交水鄉舊荷將作亂歸北城

十月仲兄相我公卒襄葬事

相我公桑善有執族黨無間言彌留時神

氣安閑一語不稍亂年七十一先生為次其年譜○先生南徙辭墓詩云竹馬肩隨近古稀白頭心事更依依荆花落盡難歸樹日斷天空一雁飛

十一月十日告墓携家南徙留長子立雅守祠墓

至神州刁非有掃別墅止予遣奏雅韻雅率族

黨親友南行

先生南徙族黨門人和從者數十家里族依戀不忍別至有追送一

二百里者沿途人爭挽留儼然花外小車景况也○非有名包博學勵節為左忠毅公所選士

先生與之
講論甚多

同李符夢謁橫渠張子祠張子曾宦祁故有祠陽

明門人徐曰仁亦宦祁與張子同祀焉

符夢名艾蘭有

志於學先生教以東銘爲入門功夫西銘爲學之本體所謂無內外無小大一一以貫之符夢聞言有省未幾而歿先生惜之

日譜自出門始

先生自叙畧云自丙戌後故園不可居寄渥城者四越春秋已丑五

月吾邑不戒故園益不可一日居思卜築河朔漸圖渡河渡江爲幼子就婚茅氏地行塢薛君於其城林慮兩山中各爲廬舍待余至孺劉君復爲計卽次之安予始於己丑仲冬至祁州乃非有孝廉下榻挽留遂令奏雅韻雅先行相禡明年春仲奏雅自淇水來迎遂南發來此五閱

月千里之山川人物或得之耳聞或得之目睹
已大半在吾意中矣予束髮論交以友朋爲性
命今海內故人淪落殆盡是譜也自出門相與
之人有倡和有動寄有答問又因有所聞節
義之事與志行之人皆譜之爲屬礪省躬
之助○是年易州盧兆堂執贄於祁州

年譜卷上終

